

2024-mi akileraarutitigut naligiissaanissaq aamma kommuninut ataatsimut akileraarutip agguataarneqarnissaa pillugit Namminersorlutik Oqartussat nalunaarutaat

Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi, kingullermik Inatsisartut inatsisaatigut nr. 20, 21. november 2022-meersukkut allanngortinneqartumi § 41 aamma § 42, imm. 2 naapertorlugit aalajangersarneqarput:

§ 1. Kommunini inummut ataatsimut agguaatigiissitanik akileraarutitigut isertitat assigiinngissutaasa naligiissarneqarnissaannut aammalu kommuninut ataatsimut akileraarutip agguataarneqarnissaanut kommunit ataani taaneqartut 2024-mi ima tapiissuteqarfigineqassapput:

- 1) Kommune Kujalleq..... 118.054.000 kr.-t
- 2) Kommuneqarfik Sermersooq..... 129.269.000 kr.-t
- 3) Qeqqata Kommunia 126.405.000 kr.-t
- 4) Avannaata Kommunia..... 191.396.000 kr.-t
- 5) Kommune Qeqertalik..... 127.201.000 kr.-t

Imm. 2. Tapiissutit Nunatta Karsianit akilernerqartassapput qaammatini tamani 1/12-imik qaammatinut ataasiakkaanut tapiissutinut agguagassanut tapertaliullugit.

§ 2. 2024-mi kommuninut ataatsimut akileraarummit agguataagassaapput 599.760.000 kr.-t kiisalu iluarsiiisutit, tak. imm. 3, ukioq 2015-imi 55.662 kr.-t, ukioq 2016-imi -214.188 kr.-t, ukioq 2017-imi 374.728 kr.-t, ukioq 2018-imi 554.016 kr.-t, ukioq 2019-imi -418.495 kr.-t, ukioq 2020-mi -4.904.608 kr.-t, ukioq 2021-mi 9.064.251 kr.-t aamma ukioq 2022-mi 88.053.313 kr.-t, katillugit 692.324.679 kr.-t.

Imm. 2. Kommuninut ataatsimut akileraarut nunamut tamarmut akileraarutip akilersorneqartarneratut Nunatta Karsianut akilersorneqartassaaq.

Imm. 3. Kommuninut ataatsimut akileraarummit isertitat kisitsimmit imm. 1-imi aalajangersarneqartumit allaaneruppata, nikingassut ukiumi tulluittumi kommuninut ataatsimut akileraa-rutip agguataarneqarnerani iluarsiiisutigineqassaaq.

§ 3. Nalunaarut 1. januar 2024-mi atuutilissaaq.

Namminersorlutik Oqartussat, ulloq 3. november 2023

Erik Jensen (atsior.)

Aningaasaqarnermut Akileraartarnermullu Naalakkersuisoq

/ Nikolai S. Christensen (atsior.)

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut